


ԳԱԳԻԿ Ա. ԹԱԳԱՎՈՐԻ ՆՈՐԱՀԱՅՑ ԱՐՁԱՆԱԳՐՈՒԹՅՈՒՆՆ ԱՇՏԱՐԱԿՈՒՄ

Վերջերս, Աշտարակի Միրանավոր հինավուրց եռանավ բազիլիկան կորստից փրկելու դիտավորությամբ ձեռնարկված գիտական ուսումնասիրության ընթացքում, հուշարձանին ավելի ուշ կցված կրկնապատ-գրահ-կաղապարի արևմտյան թևը հեռացնելիս բացվեց ավելի քան 13 քմ մակերեսով 18 տողանի արձանագրություն: Թեև գրերը լցված են հեադարյա պատի կրաշաղախ լիցքով, տեղ-տեղ քերված ու մաշված, սակայն վերծանվում են բավարար հավաստիությամբ և գրեթե ամբողջանում են:

Թե՛ ժամանակի, թե՛ բովանդակության իմաստով թագավորական այս հրահանգը հազվադեպ երևույթ է, հույժ կարևոր իր լեզվաքերականական, ձեվաբանական շարակցությամբ, սոցիալ-տնտեսական, իրավական նկատառումներով ու ժառանգական տոհմաբանության դրվագումով:

Աշտարակի Միրանավորի վիմական արձանագրությունը հետևյալն է.



I Ի. ՆԿԲ. (1013) ԹՈՒԱԿԱՆՈՒԹԵԱՆՍ ԹՈՐԳՈՄԵԱՆ,
Ի ՀԱՅՐԱՊԵՏՈՒ-

II ԹԵԱՆ ՏՐԵԱՌԺՆ ՍԱՐԳՍԻ ՀԱՅՈՑ ԿԱԹԱՂԻ-
ԿՈՍԻ, ՇՆՈՐՀԱՋԻՐ, ԱՌԱՏԱՊԱՐ-

III ԳԵՒ ՀՐԱՄԱՆԱԿՆ ԱՄՏՈՒԾՈՅ ԿԱՄ ԵՂԵՒ ԻՆԶ՝


- ԳԱԳԻԿԱ, ՀԶԱԻՐ ԵՒ ՏԻԵԶԵՐԱԿԱԼ
 IV ՇԱՀԻՆՇԱՀԻ ԵՒ ՀԱՅՈՑ ՄԵԾԱՑ ԱՐՔԱՅԻՑ
 ԱՐՔԱՅԻ, ՈՐԴՈՅ ԱՇՈՏՈՅ, ՈՐԴ-
 V ՈՅ ԱՐԱՍԱ, ՈՐԴՈՅ ՍՄԱՍԱ, ՈՐԴՈՅ ԱՇՈՏՈՅ
 ԲԱԳՐԱՏՈՒՆՈ, ԱԶԱՏԵԼ ԶԱՇՏԱՐԱԿՍ
 VI Ի ՇԱՐԻՑԱՏԷ ՀԱՅԻ ԱՄԵՆԱՅՆ ՅԵՂԻ, ԶՈՐ
 ԵՒ ՍԵՐՄԱՆԷ ՈՔ, ԵՒ ԱԶԱՏԵՑԻ ԿԱՄԱԿ-
 VII ՅՈՒԹԵԱՄԲ ԿԱՏԱՐԱՆԻԴԵԱ ԹԱԳՈՒՀՈՅ՝ ԶԻԻ-
 ԳԱԿՅԻ ԻՄՈՅ, ՎԱՍՆ ՓՐԿՈՒԹԵԱՆ ՀՈԳԻՈ Ի-
 VIII ՄՈՅ ԵՒ ԹՈՂՈՒԹԵԱՆ ՄԵՂԱՅ ԻՄՈՅ ԵՒ ՅԱԶՈ-
 ՂՈՒԹԵԱՆ ԿԵՆԴԱՆՈՒԹԵԱՆՍ ԻՄՈՅ ԵՒ ԶՍԻԱ-
 IX ԿԱՅ ԻՄՈՅ, ԱՐԴ, ԱՅՍՄ ԳՐՈՅ-ԱԶԱՏՈՒԹԵԱՆ ՇԱ-
 ՐԻՑԱՏԻ ԱՇՏԱՐԱԿԱՅ, ԶՈՐ
 X ԵՏՈՒ ԵՍ՝ ԳԱԳԻԿ ՇԱՀԻՆՇԱՀ, ԶՈՒՆԻ ՈՔ ԻՇ-
 ԽԱՆՈՒԹԻՒՆ՝ ՈՉ ԵՍ, ԵՒ ՈՉ ՈՐԴԻՔ ԻՄ, ԵՒ ՈՉ Թ-
 XI ՈՒՈՒՆՔ ԻՄ, ԶԿՆԻ ԵԼԻՑ ԻՄՈՅ | | ԱՊԱ ԵԹԵ ՈՔ
 ՀԱԿԱՌԱԿ ԱՅՍՄ ՎՃՈՒ ՅԱՅՏԵՒ ՅՈՐԴԵԱՅ ԻՄ-
 XII ՈՅ ԿԱՄ Ի ԹՈՒԱՆՅ, ԱՅՆՊԻՍԻՆ ՅԱՄԵՆԱԿԱԼ ԲԱ-
 ՆԷՆ ԱՄՏՈՒԾՈՂՅ ԵՒ Ի ՆՈՐԻՆ ԿԵՆ-
 XIII ՍԱԿԻՐ ՍՄՈՒՐԴ ՆՇԱՆԷՆ ԵՂԻՑԻ ՆՁՈՎԵԱԼ, ՄԱ-
 ՍՆ ԵՒ ԲԱԺԻՆ ԸՆԴ ՅՈՒԴԱՅԻ ԱՄՏՈՒԱՅՍԱ-
 XIV ՎԱՃԱՌԻՆ ԵՒ ԸՆԴ ՏԻՐԱՍՊԱՆ ԱԶԳԻՆ ՀՐԻԻՑ ԸՆ-
 ԿԱԼՅԻ ԵՒ Ի ՍՄՈՒՐԴ ԺՈՂՈՎՈՅՆ ՆԻԿԻԱ
 XV ԳՃԺԸ-ԴԻՑՅՆ ԵՒ ՅԱՄԵՆԱՅՆ ԱՐԺԱՆԱԻՈՐ ՍՐԲՈՅ ԵՒ Ի
 ՍՐԲՈՅՆ ԳՐԻԴՈՐԷ ՆՁՈՎԵ ԵՒ ՄԵՂԱՅ ԻՄՈՅ ՊԱՐՏԱԿԱՆ
 XVI ԼԻՑԻ ՅՈՅՆՍ ՏԻԵԶԵՐՎՆԻ ՀՐԱՊԱՐԱԿԱԽԱՄԻՍ ԴԱ-
 ՏՈՂԱԿԱՆ ԱՏԵՆԻՆ ԱՌԱՋԻ ԲԵՄԻՆ ՔՐԻՍՏՈՍԻ, ԱՄԷՆ.
 XVII ՀԱՍՏԱՏՈՒՆ Է ԳԻՐ ԱՐՁԱՆԻՍ ԿԱՄԱԻՔՆ ԱՄՏՈՒԾՈՂՅ
 ՇԻՆԵՑԷՔ, ՏՆԿԵՑԷՔ ԵՒ ՎԱՅՆԼԵՍՁԻՔ Ի ՓԱՌՍ Տ[Է]՝
 XVIII ԱՄՏՈՒԾՈՂՅ ՄԵՐՈՅ.

Վաճառագիրը սկսվում է (ի տարբերություն մեր գրավոր խոսքի ստանդարտների) տարեթվով և կաթողիկոսի հիշատակումով, երկրորդ հատվածը թագավորին մեծարող տիտղոսներն են, երրորդը՝ նրա ծննդաբանությունը ծայրից ծայր, չորրորդը՝ արտոնագրի բուն իմաստը և դրանում՝ թագուհու կամակցությունը, հինգերորդը՝ շարիատի ղեկման արտաքին-անձնական դրդապատճառները, վեցերորդը՝ վճռի անխախտելիության հիմնավորումը, յոթը՝ վճռախախտումը կանխարգելիու անհեծքի բանաձևումը և ապա՝ կերկնակի վերջաբանը։ Հենց սա, բազմաբայլ բաղադրամասերով, սթանչելի ներուշ է հայերեն 15-դարյա վիմական բազմաբանակ՝ արձանագրությունների շարքում։

Փորձենք մեկնաբանել արտոնագիրը քալ առ քալ։

1. Հայերեն վիմագրերում թվերը (թվատառերը) սովորաբար ուղեկցվում են ի բուականիս հայոց, բուականին հայոց կամ բուականիս որոշիչներով, սակավ դեպքերում (ինչպես և այս)՝ բուականութեանս բորգոմեան արտահայտչամիջոցով։ Նման ձևակերպում հանդիպում է Աշտարակից ոչ հեռու, Մաստարայի 1015 թ. արձանագրությունում և այլուր, իսկ Թաթևի կաթողիկեի Ուխտատուրի հին թվագիր արձանագրությունը սկսվում է ՄԼԲ (783) բուականութեան հայոց բառերով։ Թորգոմը, ինչպես հայտնի է, Հին կտակարանի պերսոնաժներից է (Մնունդ, Ժ)։ Ըստ Խորենացու Հայկ և հայկաթի հայրն է, հայություն խորհրդանշելը, նրա հետ են կապվում թորգոմեան ազգ, թորգոմեան թիվ՝ արտահայտությունները։ Արձանագրությունում վկայակոչված Սարգիսը հայ ականավոր հոգևոր գործիչներից էր, որը Գագիկի հովանավորությամբ ընտրվեց Հայոց կաթողիկոս (992—1019) և մշտապես մնաց թագավորի աջակիցը։ Նրա օրոք կաթողիկոսական աթոռը,

Արգինայից տեղափոխվեց Անի: Այս վավերագրում կաթողիկոսը հանդես է գալիս իրեն գերագույն իրավական դեմք, որն առանց վերապահության, ակնկալիքի ու փոխհատուցման համաձայնություն է տալիս թագավորի որոշմանը՝ Աշտարակի ժանր հարկապարտության զիջման վճռին:



Ծիրանավոր եկեղեցու արևմտյան նորարաց պատ

2. Զիշտ է, ընդարձակ արձանագրություններ շատ կան (Վանեվանք, 903 թ., Քարկոփի վանք, 910 թ., Հավուց թառի վանք, 1013 թ., Մարմաշենի վանք, 1029 թ. և այլն), սակայն անվարան կարելի է ասել՝ քիչ է պատահում, որ հայերեն վիմագրերում, անգամ սեպագրերում, թվարկվեն թագավորի ունեցած կամ շունեցած տիտղոսները, նրան վերագրվեն իր ժամանակներում գործածված, իր տոհմին վերապահված (նաև չվերապահված) պատվանունները: Բայց բանի որ Գագիկ Ա-ն առավել հաջողակ, խելամիտ պետական գործիչ էր, վայելում էր լայն ժողովրդականություն: Նրան հաջողվեց բարձրացնել երկրի փառքն ու համբավը, ուստի և թույլատրելի է համարվել Սայր տաճարի շինարարության ավարտի հիշատակագրությունում (1001 թ.) նրան մեծարելու ի մեծափառ թագաւորութեան Գագիկ Հայոց եւ Վրաց Շահրեշանի դեռևս համեստ ու չափավոր բանաձևումով, իսկ Աշտարակի Ծիրանավորի արտոնագրում նա հանդես է գալիս, կարելի է ասել, իր ողջ շուքով ու փայլով, շքահանդեսով ու վաստակած առատ պարգևներով: Այս դեպքում թագավորը մեծարվում է ճգաւր եւ տիեզերակալ (վերջին պատվանունը Բագրատունիներից կրել է միայն Գագիկի ավագ եղբայր Սմբատ Բ-ն), շահնշահ (որպիսին ճանաչեցին արաբները դինաստիայի հիմնադիր Աշոտ

Ա.-ին) և հայոց մեծաց (հզոր, ականավոր) արքայից արքա պատկառազորու կոչումներով: Նման տիտղոսներով ստուգապես օժտված չէ մի ուրիշ հայ թագավոր:

3. Արձանագրության հոգեբանական կառուցվածքն ասես նպաստել է երրորդ բաղադրամասի շարադրմանը՝ պահպանելով ընտրված սկզբունքը: Այստեղ արդեն ծայրեծայր, հանվանն թվարկված են նախորդ թագավորների, տրված է Գագիկի ողջ սերնդաբանությունը: Նման դիպված չի հանդիպում անգամ մատենագրության մեջ, մինչև իսկ Պարսկաստանում ու Հռոմում: Տոհմածառի այսօրինակ շարակցությունը՝ որդոց-որդի, ավելի ուշ տարածում ստացավ: Սակայն Գագիկը (անշուշտ նաև Սարգիս կաթողիկոսը) առաջնորդվել է ոչ թե ազգային, այլ կտակարանային ավանդույթով՝ ամբողջովին ներկայացնելով իր ծննդաբանությունն ու տոհմաբանությունը, իր նախնիներին, ինքը՝ Ուրդայ Աշոտայ, որդայ Աբասա, որդայ Սմբատա, որդայ Աշոտայ, Ինչպես տեսնում ենք, ստույգ հաջորդականությամբ տրված է տոհմական ողջ ընտրանին՝ սկսած իր հայր Աշոտ Ողորմածից (953—977), Աբաս Ա(928—953), Սմբատ Ա(892—914) և ապա՝ հորապապ Աշոտ Բագրատունին (855—891): Այս շարքում, բնականաբար, չեն հիշվում և տոհմածառից դուրս են մնում Գագիկի պապ Աբասի եղբայր Աշոտ Երկաթը (914—928) և եղբայրը՝ Սմբատ Տիեզերակալը (977—990), որոնց հետևապես կապված չէ հորից-որդի ժառանգական հաջորդականությամբ: Թվարկվածները բոլորն էլ պետական նշանավոր գործիչներ են. բավական է հիշել, թե ինչպես Գագիկի հայր Աշոտը շենացրեց ու ամրացրեց Անի մայրաքաղաքը, իսկ եղբայր Սմբատը կառուցեց Անիի կրկնապարիսպները և հիմնադրեց Մայր տաճարը, «որ բացառիկ նշանակություն պիտի ստանար հայ ազգի պատմության մեջ»¹: Իսկ Գագիկն ինքը ոչ միայն շենացրեց, խաղաղեցրեց երկիրը, այլ նաև իր կնոջ՝ Կատարանիդեի վերակացությամբ ավարտեց Մայր տաճարը և կառուցեց զվարթնոցատիպ Գագկաշենը:

4. Հանրահայտ է նաև, որ Բագրատունիներից ամենաերկարակյաց թագավորը Գագիկ Բ-ն էր (990—1020)²: «այր հզոր և յաղթող ի պատերազմի, սա ի խաղաղութեան կալաւ զաշխարհս Հայոց» և բարի հիշատակների արժանի եղավ³: Գագիկին գովերգում ու փառաբանում են մեր մատենագիրները ամեն մի առիթի բերումով: Զէ՞ որ եղբոր՝ Սմբատ Տիեզերակալի մահվան օրն իսկ, ստանձնելով հայոց գահը, նա անկասելի եռանդով ու արագորեն ընդարձակեց իր երկրի սահմանները, «Զի էր այր սրամիտ և վարժ ի պատերազմի և առատաձեռն ի բաշխելն. և զբաժ հարկաց յուովեց սեղեմաց ազատեաց»⁴:

Ուշագրավ ու կարևոր է Ասողիկի երկրորդ՝ բւժ հարկից շատ տեղեր ազատելու մասին հաղորդումը: Պատմիչները սովորաբար խուսափում են սոցիալական խնդիրներից, խորամուխ չեն լինում կյանքի այդ շատ կարևոր կողմի ոլորտը: Առևտրի, տնտեսության, արդյունագործության զարգացմանը խթանելու նպատակով Գագիկը զիջում է ապրանքափոխադրության հնագույն և տեական մաքսային հարկը՝ բաժը⁵, որը բազմիցս հանդիպում է վիմական արձանագրություններում: Սակայն առավել տարածում ստացած պետական հարկը շարիատն էր, որ քանիցս վկայվել է հայերեն վիմագրերում (Տեկոր՝ 971—1008 թթ., Ալաման՝ 1001 թ., Հովհաննավանք՝ 1201 թ., Փարպի՝ 1264 թ., Մրեն՝ 1284 թ., Ավան՝ 1285—1287 թթ. և այլն): Այս տեսակետից հիշարժան է Մաստարայի 1015 թ. արձանագրությունը, որը կառուցվածքա-

¹ Լեոն, Երկերի ժողովածու, հ. 2, Երևան, 1967, էջ 578:

² Պատմութիւն Արիստակեսայ վարդապետի Լաստիվերտցույ, Վենետիկ, 1844, էջ 6:

³ Ստեփանոսի Տարօնեցույ Ասողկան Պատմութիւն տիեզերական, Պետերբուրգ, 1885, էջ 256:

⁴ Այս մասին հանդամանորեն տե՛ս Հ. Մանանդյան, Քննական տեսություն հայ ժողովրդի պատմության, հ. Բ, Երևան, 1960, էջ 93-99:

լին-ոճական նմանությունը մոտ է Միրանավորի վկայագրին⁵։ Այստեղ վաճ-
րամ Պահլավունին զիջում է շարիատը Գագիկ Շահնշահի պատվին։ Օգ-
տագործված է թվի թուրքմենական ձևակերպումը, ինչպես և մատնանշված է իր
կամ՝ այլոց կողմից վճիռը փոխելու իրավունք շունենալու պարագան։ Իսկ
Արուճի 1285 թ. արձանագրության հավաստմամբ հացի շարիատը զիջվել է
հազար տարի⁶։ Սակայն շատ ավելի լայն, ստուգապատում և լայնահունչ է
Միրանավորի սուլն արտոնագրի շարիատ հարկային տերմինի իմաստաբա-
նությունը։ Արտոնագրում հավաստված է. ազատել զԱշտարակս ի շարիյատէ
հացի ամենայն ցեղի, զոր եւ սերմանէ ուր։ Այս 10—11 բառերը, ըստ էու-
թյան կազմում են նրա բուն բովանդակությունը։ Պարզվում է, որ Գագիկ
Ա-ն այցելելով իր թագավորական կալվածքը, հասու լինելով նրա տնտեսա-
կան վիճակին ու առևտրական հարաբերություններին, բնակչության ապրե-
լակներպին, արքայական վճռով արտոնում-ազատում է Աշտարակի բոլոր
ցեղերին (առանց խտրության, բոլոր խավերին, ազատներին ու շինական-
ներին) հացի շարիատից։ Հացն, անշուշտ, ընկալվում է իբրև ցորեն, գարի,
առհասարակ՝ ընդհանր, որն արտադրվում էր տեղում կամ ներմուծվում էր
այլ վայրերից և վաճառվում քաղաքում։ Հացի շարիատի՝ որոշակի տոկոսը՝
որպես պետական հարկ, վաճառվող ընդհանրից մասնաճեղհով հասույթ, գանձ-
վում էր արքունիքի օգտին, որն էլ զիջում է Գագիկը Թայց ոչ միայն դա, նա
զիջում է նաև նրանց արքունի մթերատոկոսը, ովքեք իրենց կալվածքներում
ցորեն (ընդհանր) կցանեն՝ («զոր և սերմանէ ոք»), դրանով իսկ խրախուսե-
լով հացահատիկային կուտուրաների մշակությունը։ Այս պարագան, ան-
շուշտ, վկայում է, որ Աշտարակում այգեգործության լայն տարածումը ար-
գելակել էր երկրագործության՝ հացակուտուրաների մշակությունը և սպառ-
նալի էր դարձել բնակչությանը հացով ապահովելու։ Սա, փաստորեն, իրա-
վական վճիռ, հրահանգ ու կարգադրություն է այն մասին, որ պետական իրա-
վասության տակ գտնվող բնակավայր Աշտարակում հացամթերքների առու-
ծախով և արտադրությամբ բոլոր զբաղվողները ազատվում են պետական
սահմանափակումներից և տրվում է հացի առևտրի ու վարուցանքի ազատ,
ոչնչով չպարտադրվող իրավունք։ Իսկ այդ վճիռը կայացվել է բազմաբեղուն
գործունեությամբ հռչակված Կատարանիդե թագուհու կամակցությամբ՝ հա-
վանությամբ ու հաճությամբ։

5. Այնուհետև, առաջին դեմքով հայտնվում է, որ այդ զոհաբերությունը
կատարվել է Գագիկի հոգու փրկության, մեղքերի թողության, իր և զավակ-
ների հաջողության համար, որը խնդրի բարոյահոգեբանական կողմն է, իսկ
բուն դրդապատճառները՝ ավելի խոր ու հեռու գնացող։

6. Իրավական առումով արժեքավոր են արտոնագրի նաև 6—7-րդ դր-
վագները։ Դրանցում հստակորեն շարադրված է, որ Աշտարակը շարիատից
ազատելու գիրը (վճիռը, որոշումը, թագավորի հրամանը) ոչ ոք իրավունք
չունի խախտելու, անգամ՝ թագավորը (չունի ու իշխանություն՝ ոչ ես. եւ ոչ
որդիք իմ եւ ոչ թոռունք իմ)։

Ինքնատիպ է վճռախախտումը կանխելու անեծք-սպառնալիքի ձևակերպու-
մը։ Այդքան ամբողջական ու լիաշունչ մի այլ օրինակ չի նկատվում հայ վի-
մագրերում։ Գագիկը տիրականորեն ազդարարում է, որ եթե իրենից հետո
որեւ մեկը հանդուժի հակառակը ներկայացնել իր հաջորդներին, ապա այդ-
պիսիք յամենալիք բանէն Աստուծոյ եւ ի նորին կենսակիր սուրբ նշանէն
եղիցի նզովեալ, մասն եւ բաժին ընդ Յուդայի՝ աստուածավանառին եւ ընդ
տիրապալան ազգին հրեից ընկալցի եւ ի սուրբ ժողովոյն նիկիա ԳժժԸ-իցն
եւ յամենայն արժանաւոր սրբոց եւ ի սրբոյն Գրիգորէ նզովն եւ մեղաց իմոց
պարտական լիցի։ Անգամ սպառնում է Քրիստոսի տիեզերական ատյանի
դատաստանով։

⁵ Միրանավորի արձանագրության ոճի ու ձևակերպումների կնքադրոշմն ակնառու է նաև
Կեչառիսի 1051 թ. ընդարձակ ու հետաքրքիր վիմագրում։

⁶ Շարիատի մեկնաբանությունը տե՛ս 2. Մ ա ն ա ն դ յ ա ն, նշվ. աշխ., էջ 263—271։

Նման բանաձևումը գործնական-իրավական բնույթի եզակի դիպված է՝ խստագույն պատժամիջոցների սպառնալիքով ապահովելու վճռի անշրջանիությունը, տեականությունը, կասեցման բացառումը, պայմանազանցման կանխարգելումը: Անգամ մեծահամբավ գերագույնի (թագավորի) վճռի նրանատմամբ սասանվում էր գերբնական հավատը, բարոյաօրենսդրական նորմերը ճեզքճեզքվում էին դարի ընձեռած ազատախոհության հարվածներից, և երկփեղկվում էր դարաշրջանի տիրապետող ու ազգային ոգին պահպանող պատվարող աւժերի միջև խորացող անդունդը: Ակնհայտ է, որ վիպերգության ու գովքի շղարշից զատվում է ավատական միապետի նզովք-անհեծքների նպատակաուղղվածությունը՝ անսասան ապահովել թագավորի ու կաթողիկոսի բարեմիտ վճիռը, կանխարգելելու երկմտությունը դրա նկատմամբ: Ասենք նաև, որ հայոց մեջ սրբացված են առանձնապես Ասիայի արևմտյան եզրում գտնվող փոքրիկ Նիկիայի տիեզերական ժողովի (325 թ.) որոշումները, որի մասնակից 318 (արձանագրության մեջ՝ ԳՃԺԸ=3.100+10+8=318) հայրապետները մերժեցին Արիոսի աղանդավորական ուսմունքը և ընդունեցին համաքրիստոնեական հավատի պատմության մեջ հայտնի 20 կետանոց «Հավատո հանգանակը»: Նոր ընդունված քրիստոնեության դավանական սկզբունքների մշակման նպատակով տեղի ունեցած համաժողովին հայերից մասնակցում էր Գրիգոր Լուսավորչի որդի Արիստակեսը: Այդ ժողովի հիմնական դրույթներն առ այսօր կիրարկվում են հայ Առաքելական եկեղեցու կողմից:

Յուրովի իմաստավորված «վերջներպից» բացի հետաքրքրություն են ներկայացնում հայ վիմագրության մեջ առաջինը դիտվող և այնուհետև հետագա դարերում լայն կիրառություն ստացած գեղագիր կապերը: Առանձնապես արժանահիշատակ են ԵԱՆ վերջածանցների համառոտագիր կապերը, ինչպես և երկսյուն տառերի վրա հնարամիտ գեղաքանդակ միատառ ու բազմաձայլ կցագրերը, որոնք հնարավոր է ստույգ բացել միայն տեքստի ճշգրիտ վերծանման դեպքում:

ԵՆ - ԵԱՆ, Պ - ՈՐԴ, ԼԵ - ՍԵՐ ԳԺ - ԳԽ, ՏՎ - ՏԱԿ,
 ԴՆ - ԴԱՆ, ՊՊ - ԳՈՐ, ՈԷ - ՈՎԵ, ԵԴ - ԻՄՈ, ԸԱ - ՄԵԱ,
 ՈՎ - ՐՈՎՆ, ԸԲ - ԲԱԳՐ, ԱՎ - ԱԿԱՆ, ԱՎ - ՐԱԿԱՆ,
 ԱՐԱՎԱՆ - ԴԱՏՈՂԱԿԱՆ, ԿԲԲՆԱՅ - ԿԱՄԱԲՆ ԱՍՏՈՒՄՈՅ

Արժեքավոր են նաև նույն՝ արևմտյան պատի ղույզ պատուհանների կամաքաքարի ողկույզներ կտցահարող թռչունների (սիրամարգ) և մուտքի բարավորի որթերով ընդելուզված հավասարաթև խաչի բանդակները, որոնք թերևս ավելի հին են քասախից:

Այսպիսով, Աշտարակի Միրանավոր եկեղեցու նորահայտ արձանագրությունը պատմիչների կողմից զարմանալիորեն մոռացված քաղաքի պատմության նոր ու լուսավոր էջերից է, Բագրատունյաց թագավորության պետական կյանքի ուշագրավ դրվագներից, հայ մատենագրության և գրավոր ստուգապատում խոսքի բացառիկ և ինքնաշունչ հուշարձաններից:

Այն միաժամանակ վկայում է, որ թեև Բագրատունիները չհասան համազգային-համապետական կայուն և տեական միավորման, չկտրեցին շունեցան սեփական դրամ, սակայն մեծ հմտությամբ կազմակերպեցին երկրի ներքին ու արտաքին կյանքը, ստեղծեցին քաղաքական, տնտեսական, սոցիալական, առևտրական, իրավական միասնությամբ ու նպատակադրությամբ օժտված պետական միավորում:

Ս. Տ. ՍԱՀՈՒՄՅԱՆ